

師。」是此國人也。此國大小乘俱行。見今大寔侵。半國損也。卽從此國乃至五天。不多飲酒。遍歷五天。不見有醉人相打之者。縱有飲者。得色得力」而已。不見有歌儻作劇飲宴之者。

80 又從北天國有一寺。名多摩三」磨娜。佛在之日。來此說法。廣度人天。此寺東澗裏。於泉水邊有一塔。卽」佛所剃頭及剪爪甲。在此塔中。此見有三百餘僧。寺有大辟支佛牙及」骨舍利等。更有七八所寺。各五六十人。大好住持。王及百姓等。非常敬信。」又山中有一寺。名那揭羅馱娜。有一漢僧。於此寺身亡。彼大德說。從中天來。明」閑三藏聖教。將欲還鄉。忽然遠和。便卽化矣。于時聞說。莫不傷心。便題四」韻。以悲冥路。五言。故里燈無主。他方寶樹摧。神靈去何處。玉兒已成灰。」憶想哀情切。悲君願不隨。孰知鄉國路。空見白雲歸。」

90 又從此北行十五日入山。至迦羅國。此迦羅國。亦是北天數。此國稍大。王有三百」頭象。住在山中。道路險惡。不被外國所侵。人民極衆。貧多富少。王及首領」諸富有者。衣著與中天不殊。自外百姓。悉披毛毯。覆其形醜。土地出銅鐵氈」布毛毯牛羊。有象少馬粳米蒲桃之類。土地極寒。不同已前諸國。秋霜」冬雪。夏足霜雨。百